

EXHORTATIO AD LAUDEM DEI [ExhLD]

- ¹ *Timete Dominum et date illi honorem* (Apoc 14,7).
- ² *Dignus est Dominus accipere laudem et honorem* (cfr. Apoc 4,11).
- ³ *Omnes, qui timetis Dominum, laudate eum* (cfr. Ps 21,24).
- ⁴ *Ave Maria, gratia plena, Dominus tecum* (Lc 1,28).
- ⁵ *Laudate Deum celi et terra* (cfr. Ps 68,35-R).
- ⁶ *Laudate omnia flumina Dominum* (cfr. Dan 3,78).
- ⁷ *Benedicite filii Dei Dominum* (cfr. Dan 3,82).
- ⁸ *Hec dies quam fecit Dominus, exsultemus et letemur in ea* (Ps 117,24-R).
- ⁹ *Alleluia, Alleluia, Alleluia! Rex Israel* (Joa 12,13)!
- ¹⁰ *Omnis spiritus laudet Dominum* (Ps 150,6).
- ¹¹ *Laudate Dominum, quoniam bonus est* (Ps 146,1);
- ¹² *omnes qui legitis hec, benedicite Dominum* (Ps 102,21-R).
- ¹³ *Omnes creature benedicite Dominum* (cfr. Ps 102,2).
- ¹⁴ *Omnes volucres celi laudate Dominum* (cfr. Dan 3,80; cfr. Ps 148,7-10).
- ¹⁵ *Omnes pueri laudate Dominum* (cfr. Ps 112,1).
- ¹⁶ *Juvenes et virgines laudate Dominum* (cfr. Ps 148,12).
- ¹⁷ *Dignus est agnus, qui occisus est, recipere laudem, gloriam et honorem* (cfr. Apoc 5,12).
- ¹⁸ *Benedicta sit sancta Trinitas atque indivisa Unitas.*
- ¹⁹ *Sancte Michael Archangele, defende nos in prelio.*